

民國叢書

第三編

• 72 •



民國叢書

第三編

· 72 ·

歷史·地理類

印尼社會發展概觀

二十世紀之南洋

王任叔著

丘守愚著

上海書店

丘守愚著

二十世紀之南洋

中華民國二十三年三月初版

(二二六〇〇)

二十世紀之南洋一冊

每冊定價大洋叁元陸角

外埠酌加運費匯費

著者

丘守愚

校訂者

雷孝敏
吳研因
李昌熙

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

版 翻
權 印
所 必
有 究

(本書校對者殷彥常)

二十世紀之南洋序

自唐宋以還與吾國一水相望而素為華族之殖民地者厥惟南洋羣島
歷年既久僑寓日多商業日盛經濟勢力幾為我國僑胞所獨佔顧吾國產
業落後百物仰給於人年未受世界不景氣之影響僑商至感痛苦亟宜
速謀救濟丘君守愚有見及此自民十之夏航海而南隨在調查考察迄
于現在舉其所得刊為二十世紀之南洋一書對於羣島之政治經濟文化商
業僑務諸犖犖大端考察詳明比類而彙誌之一編相對如履異方殆足以
鼓我華族進展之勇氣而為後此拓殖之方針歟

中華民國廿一年十一月 日宋子文

序

吾國僑民最多之處，莫過於南洋一帶，而關於南洋一帶之著述，則甚罕見。丘君守愚，曾遍遊南洋各地，入國問禁，入境問俗，將荷屬東印度、美屬菲律賓、法屬越南及暹羅等國之風土、人情、政治、宗教、經濟、軍備，以及我僑之商業、我僑之歷史，分門別類，詳細調查。歷時九載而成鉅著，都十萬餘言，名之曰二十世紀之南洋，問序於余。

余觀是書，搜羅宏富，紀載翔實，而綱舉目張，有條不紊，洵研究南洋之偉構，而不可以尋常遊記目之也。政府現正積極整頓僑務，以謀僑民之福利，而增進其地位，關於南洋一帶，是書大可供參攷焉。丘君英年有爲，遊歷之餘，兼能闡心著述，十載成書，竊嘉其志，爰樂爲之序。

中華民國二十一年十一月

羅生霖

序

國人僑居海外，生齒日繁，跡遍五洲，尤以南洋一帶爲其麇集之地。然以駕馭於帝國主義殖民政權之下，備受苛捐雜稅之剝削，嚴刑峻法之虔劉，卒能容忍砥礪，建功立業，發揚中華民族之光大者，皆賴僑胞之堅苦耐勞，勇往無間之精神有以致之。惟所處之地，既島嶼間隔，而統治之國，又有拉丁條頓民族之異，其語言文字，性情習尚，扞格不同；所受之政治教育以及種種事業之影響，又隨時間空間而變化靡常，故華僑問題之研究範圍，至爲廣大。近年以來，國人對此已有較爲深切之研究，而能廣採博集，探討精詳者，仍如鳳毛麟角。丘君守愚近編二十世紀之南洋一書，列舉英荷法美等屬以及暹羅之社會事業，并囑序於予。予深感華僑問題之重大，願國人羣起研究，作有統系之採訪及策劃；既可發揚僑胞在外辛苦奮鬥之精神，更可藉供政府施政之採納，爰書數言，以爲之序。

二十一、十一、二十三 陳樹人謹識於南京

序

中國之拓殖南洋，因歷史與地理的關係，遠在西人之前；國人在南洋奮鬥耐勞，堅苦創業之精神，亦遠在西人之上；而中國人口，在南洋之多，散佈之廣，以及經濟商業勢力之雄厚，尤爲任何民族所不及。然而自二十世紀以來，南洋局勢，翻然改觀，吾國僑胞，初則爲西人所統治，繼則爲西人所壓迫，所取締，所排擠，洎乎今日，我國在南洋固有之勢力與地位，且日趨於動搖而亟亟不堪自保。此中成敗興衰之關鍵，固在整個民族實力之消長；然而大都國人之漠視南洋，以前政府之忽視僑務，實亦爲厲之階。丘君守愚，有鑒及此，歷遊南洋，足跡遍西里伯斯、蘇門答臘、婆羅洲、菲律賓、爪哇、馬來、暹羅、越南等地，根據十年調查之材料，參考西人專門的著述，對於南洋政治、經濟、文化、歷史、地理、商業，以及吾國僑胞成敗得失之關係，作翔實精闢之研究，俾海外僑胞，知所遵循；而國人之往南洋者，亦有所問津。『二十世紀之南洋』，實爲白人統治下之南洋；一億一千萬之民衆，已淪爲二十萬白人之奴隸。（見丘君自序）讀是書者，亦當知所感奮乎！是爲序。

中華民國二十一年冬

吳鐵城

序

我國於南洋有二千年之歷史，白人至南洋不過數百年，其地位反較爲優越，握有南洋之統治權，其故何哉？蓋我國從前對於邊遠之地，不甚注意，一任僑胞之自生自滅，而不爲之扶植，以致我僑胞一手所開發之南洋，爲白人攘奪以去，不亦大可惜哉！丘君守愚旅居南洋九年，本其平昔之經驗，發揮爲二十世紀之南洋一書，對於南洋之物產、交通、民情、風俗及僑胞情形，記載甚詳，洵足爲南洋之寶鑑；若更以軍事之眼光觀察之，則又爲南洋之兵要地理也。我國若眷念僑胞，顧及南洋，則是書誠有可讀之價值，丘君其殆有心人歟。是爲序。

楊杰序於首都陸大二、一二、二六、

序

華僑分布於世界各國，其人口最多，生產力最大者，常首推南洋各島。蓋其地全部居熱帶之中，氣候炎熱，雨量豐足，土地肥沃，天產饒富，居人習於安逸，不事生產，地多未闢，我華人移住最早，辛苦經營，有悠久之歷史，且性喜儲蓄，經濟上遂占重要之勢力，不啻我海南之外府也。慨自歐風東漸，全土淪為各帝國主義者之殖民地，各地政府忌我僑胞經濟發展，地位優越，特設種種苛酷條例，極力遏抑，兼以我國實業不振，外商居間壓迫，損失尤不可以數量計，苟不急謀挽救，影響所及，恐現狀亦不能保持。丘君守愚周遊南洋十閱寒暑，本調查之所得，著為二十世紀之南洋一書，對於南洋之政治、經濟、文化、商業、僑務各情形，敘述至為詳盡，洋洋數萬言，綱舉目張，有條不紊，意在喚醒僑胞，並供我國主持僑務者之參攷，其意旨之宏深，價值之偉大，迥非尋常遊記報告所可比擬。余甚佩其熱誠，特誌數語於簡端。

楊虎城

序

陳立夫 序

民族間的鬥爭愈尖銳化，則帝國主義之武裝的經濟政策愈努力推進，遂造為十二萬之五千萬之弱，十萬之二千萬之五千萬之強大，其結果的形勢弱小者終陷呻吟於強大者的經濟鐵蹄壓迫之下，凡是走過南洋羣島的人們，想更有此底蘊吧！

南洋是一塊肥美的肉，食之是個帝國主義者鉤心鬥角在競逐着的市場。但是從歷史上看，南洋本來只是幾個荒莽的孤島，最先筆跡盤據以事開闢的便是無數胼手胝足的原工，由原工的血汗塑成了今日繁榮的都市，每種經濟上文化上，華僑的精神與力量貢獻都是極大，而華僑人數也比較

的第一：然而在南洋，我們曾苦功高的僑胞，現在已和當地夫我
平等受同樣苛酷的待遇，不斷的在掙扎在呻吟於統治者的鐵
蹄之下，這不是最可痛心的嗎！我們應該怎樣來為僑胞
打出一條血路來，為弱小民族爭這一口空氣！

守愚先生此書，費了多年的經驗和心血寫出來的，且是
研究南洋問題中最佳的參考，是熱心僑務事業者，且是
最好的指南，由這裡我們可以了解到實際的情狀和背景，藉
以了解今日僑胞的痛苦，由這裡我們可以得到正確的形象
和辦法，以從事促進僑胞的幸福，這種貢獻和將來的收穫
是使我們為之歎的，謹假數語，寄致深切之敬意！

序

南洋各地，去歐美遠隔重洋，而北望亞洲大陸，有若連鷄；人種膚色，風俗情態，亦多有類似者，是則其交接關切，自來遠邁歐美諸國。且攷諸史籍，吾國人踐斯土者，遠在東晉隋唐之際，是時歐人且不知有中國印度，更何識有南洋。迨夫時勢推移，喧賓奪主，二十世紀之南洋，乃爲西方列強所侵奪宰割而失其獨立之生存，以一億一千萬人口之衆，而淪爲歐美人之奴隸，卽我國五百餘萬之僑民，亦同受制於區區二十萬歐美人之壓制，而莫可奈何！衡情度理，夫豈謂平，此真宿命之所決定耶？亦人謀之未臧耳！故憤慨之餘，應深攷其故而善其後。土人顛愚落後，不能抵禦外力固矣，卽吾國僑民，雖較土人稍優，惟本身能力，仍屬微弱，而吾國士夫之習，從未重視僑居域外之人，致投荒絕徼者，迭受白人之屠殺虐待排擠蹂躪，國人不知，政府不顧，以視白人之殖民也，舉國相助，挾持優越之政治經濟武力三者以相臨，勝敗之數，情勢判然，則二十世紀之南洋，爲白人統治之地，土人淪爲輿台，僑胞供其賤役，不亦宜乎！既往不咎，來者可追，就此書之所論列，南洋僑胞，人口之衆，品質之良，商務經營力之大，白人嫉忌心之深，僑胞前途，實使人不寒而慄。著者以觀感之所得，窮十年之勤力，旁搜博證，縷晰條分，俾國人詳悉南洋僑胞現處情形，而謀所以挽救；僑胞亦明其自身所處環境，而知所以維持，就其根株而蕃衍之，保其美質而昌大之，貞元剝復，會須有時，則此書之造福於國人及僑胞者，豈淺鮮哉。

李宗仁序於南寧，時在民紀二十一年孟冬之月

序

中國民族爲全球最著特色之一民族，以數萬萬人口聚居於單一之地域，語言、文字、風俗、教化，完全統一，爲全球所未有。

在海遙以前，人民習於固有之農業工業，隨在足以自足自給，無所希求於外族。而歷代聖帝明主所以統治本族之道，首重風同道一，其次則以德教馴服四邊，有時征伐戰勝，亦不利其土地。

漢唐以降，如武帝太宗稍動遠略，然立國大計，對外無所需於商業之交易；在內更無工業作品之剩餘生產，故當代之朝廷所求，亦祇國威確立四裔安寧而已。

然中國民族，具有優秀之特質，克勤克儉，適於任何時代各種職業之生產，而又因文化風尚同一之故，所至輒能團結，其勇毅堅忍，爲他民族所不及，故自宋元以降，海上次第交通，而民族乃乘潮流而邁進，今日南洋之有此繁盛，非偶然也。

西方民族，自葡萄牙、西班牙、荷蘭諸國，始以海上商業向遠東侵略；繼起者乃有英、法、美諸邦，經過一百餘年之經營發展，乃成立其海上之霸權。蓋彼之所以得有今日，固由人民之奮力於工商業，而主要原因，乃由於其政府以全力爲之保護爲之領導之故。

夫以民族自決之原則言之，華僑之在南洋者，人口有五百餘萬，財富有四十萬萬，竟屈服於二十萬白人之下；此誠不得不謂之民族間之不平等，而所以招致此不平等之結果者，非華僑之過，乃中國政府之過也！

處今日生存競爭之世界，與其以不可得之數求諸人，毋寧以勢力奮鬥之道求諸己！南洋密邇中國，以中國政府之力而控制南洋，其勢順；西方民族越國圖遠，其勢逆。惟國權不立，國民乃被他人輕視，欲挽回此外交之頹勢，舍中國民族自立圖強，其道無由！

丘君守愚奉民族之使命，發憤著書，積十年之心力，纂成此篇，俾讀者一覽而知南洋五百萬僑胞之生活環境，與其遠處異地所受異族權力之下之不良待遇，既可以促進外交當局之覺醒，改善保護僑民之外交政策，以盡政府之天職；又可以因海外僑胞之生活奮鬥，激發祖國人民頹廢之氣，而發憤爲雄，洵乎其有偉大之價值之著作也。抑又言之，南洋者，中國民族革命之海外策源地也！中國政府之改造，南洋僑胞與有大助力者也！年來因政局之糾紛，以致僑胞所殷殷屬望者，無一事足以安慰之，執筆之下，尤爲之愧忿無已。

白崇禧

序

丘君守愚，以去冬來外交部服務，任條約委員會委員，暇出其所著二十世紀之南洋一書，屬爲之序。官書執筆，久無以應，忽忽半年，丘君重申前請，乃取其書一讀之。書中側重各地之政治經濟而貫之以華僑在彼之商務，爲其歷年調查所得，與實地觀察者筆之於冊，都十萬言，備作新商舊商之津梁，與夫主持僑務者之參考。語長心重，此物此志，噫，何其壯也。昔歸熙甫氏論太史公貨殖傳，本以悲憤而成，然諸方之風俗、物產、人情變態悉具，遇所感激，則偏宕其辭，以示玩弄，古今之概，正論談嘲，雜焉並出，千彙萬狀，震蕩六合。丘君此作，殆亦太史公之微指歟！慨自吾僑之經營海外，垂數十年，遠而美洲大陸，近而南洋羣島，始而爲工，繼而爲商，寧有政府倡之於先哉！人各任其能，勉其力，以得所欲，推其至也。南洋之華僑財力之雄厚，洵足以左右英、法、美、荷各屬地，豈但如太史公所謂傾郡傾縣傾鄉里已哉。而今且一落千丈，岌岌不能自存，此其故獨何歟？雖日受人之媚嫉摧殘，且有乘機謀取代之者，抑亦保之之道，或有未盡乎！此則余讀丘君之書益有感於保僑之外交政策，不可視爲緩圖也。民國二十二年癸酉夏日閩縣劉崇傑序於譯署南樓

自序

民國十年夏，余有南洋羣島之行。初至時，人地兩疎，問境問俗，諸感困難，每求一有關於該地之書籍而不可得。竊念中國與南洋關係，有二千餘年之歷史，有五百餘萬之僑民，何國人竟漠視若此，寧非怪事。周遊各地後，見其民性純厚，出產豐富，商業繁盛，寶藏所在，靡不使人嚮往。乃進而研究其政治經濟諸問題，知一百七十萬方哩之地，悉爲英、荷、法、美等國所割據，其足以代表該地民族之國家者，僅一暹羅而已；一億一千萬之民衆，已淪爲二十萬白人之奴隸，其未受白人之蹂躪者，亦僅暹羅一千萬之民衆而已。故二十世紀之南洋，實白人統治下之南洋也。惟從商業上觀察，華僑勢力，實甚雄厚。計余足跡所至者，爲爪哇、西里伯斯、蘇門答臘、婆羅洲、馬來、菲律賓、暹羅、越南等地。見各處商業，上自市鎮之批發商，下至鄉村之零售商，幾爲華僑所獨占，其財富已達四十萬萬元，有左右南洋經濟之勢。然因是而引起各屬地政府之嫉妬，或頒布新條例以取締之，或創設新稅則以限制之。近年來華僑又復受世界不景氣之影響，及遭土人之排擠，其地位已頻於動搖。兼以華僑商業爲居間商地位，以吾國工業之不振，自不得不購買歐、美、日本之商品，以爲貿易之需，因此時受外商之壓迫，吾人苟欲維持華僑已得之地位，并謀所以發展之，非亟起研究當地情形速謀救濟之法不可。然此又非有專書不爲功。茲將歷年調查所得材料，加以整理，費時一載，都十餘萬言，名曰「二十世紀之南洋」。其目的，無非（一）使國人往南洋經商者有所問津；（二）使原有之僑胞